

Eit sterkt Vestland

Det mest dynamiske og omstillingsdyktige næringslivet i Norge, finn ein på Vestlandet. Tyngdepunktet i eksportindustrien, maritim sektor, petroleumsnæringa, prosessindustrien og sjømatproduksjonen som genererer det store handelsoverskotet Norge har; finn ein her. Hordaland Arbeiderparti ønskjer å løfte fram kva ein felles bu- og arbeidsregion vil gje oss av auka attraksjon, kompetansekraft, verdiskaping og nye moglegheiter. Vestlandsregionen har alt å vinna på å trekkja lasset saman. Felles mogelegheiter treng felles løysingar og mål.

1. april 2016 legg Regjeringa fram stortingsmelding om oppgåvefordeling mellom dei ulike folkevalde nivåa. Her må regionane få ei sterk samfunns- og næringsutviklarrolle i tillegg til relevant tenesteproduksjon. Den samla oppgåveporteføljen til dei nye regionane, må vera meir omfattande enn det fylka har i dag. Hordaland Arbeiderparti vil koma med klare innspel i høyringsprosessen.

Fylkesutvalet i Hordaland gjorde 25. februar 2016 eit samrøystes vedtak om å setja ned eit forhandlingsutval, leia av fylkesordføraren. Utvalet har fått i oppdrag å forhandle fram ein intensjonsavtale mellom Rogaland, Hordaland og Sogn og Fjordane etter at oppgåvemeldinga er lagt fram. Hordaland Arbeiderparti støttar dette, og ser fram til konstruktive forhandlingar med godt resultat.

Hordaland Arbeiderparti vil:

- oppretthalda eit tredje folkevald nivå , der dagens fylke vert erstatta med sterke regionar